

黿

峰

集

麓峰集卷之十八

閩郡徐煥與公書

七言律詩

庚戌元日

四十蹉跎一歲零，半生辛苦幾曾經。
閉門此日松雲碧，繞榻終年竹簡青。
杯裏餘香浮細栢，塔前嫩綠長新萸。
居廬豈識春光好，四壁笙歌不耐聽。

輓李曉窓明府

卷之三
三十一
日落空山哭杜鵑曉窓塵掩白雲篇虛將洛下
看花社少却柴桑種木田生計已貧飛鳥後公
評元定蓋棺前通家敢附招魂誼曾侍龍門二
十年

送曹封君就養之蜀

褰帷遙望蜀山青滿地桐花落鳳銜入饌喜烹
魚出穴聞詩歡見鯉趨庭關雲晝暝糊鈎棧閣
兩年深洗劍銘萬里橋西潭水綠下車先訪草

堂靈

林夷族自峽江携重臺鹿慈見惠答謝
名花產自峽江南翠葉參差嫩葢合分得異香
添曲徑携來佳品滿鈎籃青棠蠲忿應須避丹
棘忘憂也自慙我已生孫將白首不勞珍重祝
宜男

題林夷族餘清齋

不學龐公不入城讀書城裏有餘清坐看細草
春烟色夢破寒蕉夜雨聲洗硯每疏池水黑注
經常剔石燈明堦前莫訝蒼苔損日有門人問

字行

哭陳世綬秀才

金刀鉞掩委重泉石火浮生二十年寶鏡臺前
哀少婦玉樓天上名神仙舊窓夜月螢乾死敗
篋秋風蠹食穿膏以自煎香自爇槿花容易瘁
芳妍

哭陳履吉先生

六十年來鬢未斑著書方就弃人間池空春水
鷺群散樓閉秋宵燕子閒詞客文章鐫表墓名

僧香火祀開山德星一夜中天隕惆悵高風不可攀

哭趙仁甫先生

靈爽乘雲返玉京寢門臨哭拜銘旌七閩結社
孤盟主四海論交失老成堆案蟲魚空有字蒲
山猿鳥寂無聲淒涼最是王孫艸歲歲春風墓
上生

題明皇太真對奕祿山旁觀圖

龍準娥眉角勝時宮中黑白有誰知爭誇救劫

機尤巧不覺安邊勢已危蜀道景頭空自斷驪
出馬步苦行遲胡兒碧眼休相覷今日長安似
奕棋

題太白題詩貴妃捧硯力士脫靴圖

沈香亭北醉風光勅賜詞臣奏樂章企脚不妨
頰內使舉頭應覺近君王錦袍色映銀箋爛玉
筍嬌承寶墨香花落花開春易改夜郎行役又
秋霜

題吳元化石碣老山房

山房結構不知年，長日幽栖傍九仙。
磊老碧巖當屋後，荔奴青葉蔭窓前。
字工科斗師程邈，詩效蟲魚疏鄭玄。
憐我卜居應切近，寧辭百萬買隣錢。

題高景倩木山齋

半榻無塵晝捲簾，香爐茗椀與詩籤。
雨滋積蘚猿緣壁，月送寒梅影過簷。
松石潤含三品秀，木山危聳一峰尖。
花間栩栩雙飛蝶，高枕南窓午夢恬。

陳太宗伯屢推入相有詩言懷次韻奉寄
清時累疏乞盤桓白髮曾投釣渭竿上殿尚書
開舊履出山元老拂塵冠金甌名上天朝近玉
佩聲搖御道寒指日芙蓉趨闕下紫衣班裡領
千官

謝在杭新拜屯田兼寄燈市行賦答

莫道馮唐久不遷又承新命拜屯田水衡出入
巖官帑雲籙刪抄損俸錢尺素烹魚闕海月錦
鞍騎馬御河烟一時忽貴長安紙燈市爭傳樂

府篇

王粹夫立春日生孫是日爲其先大叅公

誕辰有詩志喜次韻走賀

柔條春早綠芳園製得彎弧掛在門錦里家聲
元不忝青箱世業又增繁日同參省何年祖星
映長庚若箇垣王氏譽兒曾有癖河汾今已見
賢孫

張叔弼掛冠還山顏其居曰南山敞廬賦

此爲贈

篋裏何緣得謗書，身年未老便懸車。寒翁失後
無良馬，刺史歸來有佩魚。金盞猶然多結客，官
貧何處可安居。山南山北堪高卧，細雨斜風葺
敝廬。

送陳軒伯之粵西

漂零千里去何之，路遠還家未有期。雲黯蒼梧
孤客淚，雨昏斑竹二妃祠。春深草密跼蛇伏，日
午嵐消蛤蚧悲。勾漏仙蹤知尚在，丹砂慎莫寄
來遲。

挽江干潛郡丞

長才未盡筆花香
倏爾乘雲返帝鄉
佐郡昔憐萊子國
料兵曾識夜郎王
龍唇暗泣孤桐月
馬鬣高懸一劍霜
李廣功多時不遇
泉臺空自沐恩光

哭林熙吉

年來朋舊歎凋零
酒淚呼君又不醒
南國亡琴諸弟痛
西鄰吹笛故人聽
纔帷燈照虛堂影
斐几苔侵古硯銘
腸斷峴江風雨夕
水雲空鎖白

鷗汀

寄武夷道一上人

自號茶仙

瀉仰宗風盛在南禪
栖新卜馬頭巖
梅檀香氣通
瑤島貝葉經文
寄石函舍筏
豈嫌舟架
壑觀空
因喻水澄潭
趙州意旨能
叅悟
自號茶仙也
不慙

同林熙工王玉生陳伯孺遊石松寺寺久

廢今熙工爲檀越重興

眼見精藍廢復興
香臺新敞竹陰層
雲扶擗

青峰起雨送飛空翠瀑崩收果誰當今善士種
松因問昔名僧偶來隨喜貪清淨結夏還期禮
佛燈

生孫志喜

吉夢維何不待占喜聞靈鵲曉開簾四旬齒長
孫生早二頃田無口漸添此日乍欣來客賀他
時應咲老夫潛從今膝上堪娛弄向日舍節坐
短簷

元孫滿月諸友以詩見贈喜答

壯歲生孫喜欲顛家貧強辦法兒錢麒麟敢謂
來天上燕雀爭看賀屋前懸矢懸弧當此日爲
弓爲冶任他年歡呼自慶稱翁蚤未有清霜入
鬢邊

上葉相公初入內閣

鸞坡鳳沼切星辰論道今爲第一人禮絕下寮
懸紫綬車容在吏吐朱茵姓名已卜金甌定恩
寵還看石柱新正是宏開東閣日書生無不望
平津

東楊相業冠閩中衣鉢登庸再屬公金鼎調羹
香繞殿火城圍炬焰燒空問牛道上知時政旋
馬廳前見古風身際太平刑百辟醉霑周宴錫
彤弓

內制傳宣寵賜麻紫衣垂地染宮花首替國柄
心都赤早列台衡髻未華白玉堂中留舊草黃
金堤上築新沙東南水旱憂非細會見陰陽燮
帝家

趨朝每聽曉雞號新賜宮中十二袍玉轡獨迎

姜呂望金蓮頰送令狐綯臺前瑞露餐仙掌殿
上香雲吮綵毫共慶元勛居鼎鉉不煩宵旰聖
躬勞

題幔亭圖

一夕仙風掃幔亭碧峰依舊插天青語殘白鶴
魂何在叶罷金雞夢不醒故友共嗟桑戶死行
人空吊艸堂靈生平玩物如雲散看此遺圖益
涕零

閒居

白滿簷楹草滿除青山應屬野人居未春預借
看花騎欲雨先徵種樹書石鼎香醑吟懶後瓦
鑪茶熟夢迴初半生消受清閒福一任人嗔禮
法疎

挽余宗漢明府

文星忽隕數難逃厄運誰知百六遭社裏談詩
虛祭酒丘中投老罷管糟七賢曠達還思阮五
柳風流孰繼陶賦就犬招竟不返壺山猿鳥自
哀號

送鄧道鳴總戎貴竹

平黎功業重遐荒，又握兵權鎮鬼方。
麟閣新圖名將像，虎符雄歷夜郎王。
營門光起烽如月，幕府寒生戟有霜。
楊僕勲猷今再見，腰垂三組縮

銀黃

上諭郡公

虎竹初分領晉安，蒼生鼓舞士林歡。
乍懸緋袋雙魚佩，新飾黃金五馬鞍。
義識刑書饒治郡，稔聞詞賦早登壇。
越王石上開雲霧，却待清廉大

守着

專城閩海首提封
治行清朝衆所宗
堂下吏人閒養鶴
門前詞客願登龍
三山來暮歌廉范
四野行春勸上農
懸榻遺風今再見
每容徐禘日過從

送許二守擢應天治中

方駕州疾五馬伺璽書
徵召主恩隆
官曹貴比張京兆
仙吏閒如許侍中
到日隨車多白鹿
去時攀轍半黃童
豐碑只在行人口
盡說那君宦

素空

喻郡公枉過草堂賦謝

忽枉朱輪問草萊，白雲飛散華門開。
心忘官長襟惟貴，禮重儒生襪線才。
千騎東方停蹠蹀，群鷗南浦狎驚猜。
未能石隱如顏闔，不敢無端効鑿坏。

遊聖泉寺

東峰晴翠晝陰陰，舊是闔王施寶林。
古路斜通松塢遠，冷泉流注樹根深。
鐘移別院銷追蠹，錫

卓空山絕巖會寺額尚存唐代蹟更誰重布給
孤金

經文殊廢寺

寶刹莊嚴盛故唐給孤園路變墳庄爐拋前壠
荒祠座鐘徙他山古院梁供佛有田豪王得掛
瓢無地老僧亡村南村北累累塚幾個曾孫哭
白楊

登鶴林絕頂

雲際高丘切太虛爭傳此地有仙居水榕榦老

供樵斧墓棘蔽深曳客裾雲冷石壇丹竈火雨
昏巖壁劈窠書去家尚叫千年鶴拾得林間紫
毳餘

病起書懷

殘覓幸出鬼門闔覽鏡空驚病後顏有客薦醫
誇術驗無錢買藥咲囊慳食新漸覺咽嗟滑看
竹猶嫌步履艱尚欠半生文字債又添詞翰在
人間

送湛上人歸雲門

因緣未就忽思歸
渺渺長天錫杖飛
投宿暮尋山寺
磬經行寒着水
田衣眼空霞嶺
三千界心悟雲
門第一機更約
重來興寶地日
叅宗法有皈依

鄭孝廉妻莊氏貞節

曾効于飛卜鳳占
誰知比翼失鸚鵡
青年怨死標貞節
黃壤如生報孝廉
蘭葉香殘休裝帳
菱花塵暗不窺奩
堂前書帶離離艸
半是當時血淚霑

溫陵蕭叶宮見訪時將入燕

湖海聞名幾歲星，忽勞烟駕訪巖扃。
子雲筆札工飛白，穎士文章照汗青。
闕嶺風塵巖險路，燕山霜雪短長亭。
虞翻已作諸侯客，莫歎身如水萍。

寄答何穉孝儀部見懷次韻

憶自桐花落盡時，忽逢何遜共裁詩。
屋梁月影空愁目，石室雲光費夢思。
漸覺風塵容易老，誰知寒暑遞相推。
一時後學瞻山斗，不朽文章誦

退之

送王粹夫之燕

馬首孤征北到燕不堪離別又殘年客中獨抱
馮生缺囊裏因無趙壹錢欲破旅寒顏貰酒爲
添衣煖厚裝綿黃河如帶層冰合愁說風霜路
八千

寄黃明立國博

海上雲間路幾千寄書征鴈阻遙天閣中外史
脩黃憲白下傳經拜鄭玄一丰顏對司業酒十

年猶滯廣文
羶鷄鳴山色
青如黛
半染橋門壁
水烟

鄭季卿以瀘州倅奉使採木左遷楚藩掛
冠卜居秣陵有贈

一官萬里走天涯
湖海情深懶問家
銜命遠刊蠻嶺木
僦居新種秣陵花
常開白社盟騷雅
每散黃金買俠邪
莫道漢廷恩數薄
少年才子屈長沙

庚戌除夕

竹爆松燎煖吐烟，曆頭翻盡又殘年。一家卒歲
無衣褐，九陌通窻。有管絃，齒長屠蘇，斟獨後顏。
衰蒲柳，瘁應先白，憐四十爲人祖。抱得蘭孫戲
膝前。

除夕邀喻叔虞風雅堂守歲共得明字

欲破淒涼客旅情，屠蘇尊酒爲君傾。松筠屢滅
殘更影，蓮漏頻催。隔歲聲，且共歡呼聽爆竹。莫
將踪跡歎浮萍。殘年偏得新知樂，高蔕華燈坐
到明。

齊世集
卷之十一
辛亥元日

簫鼓聲喧拂曙光
尊闌栢葉暗聞香
五薰食做辛盤俗
萬卷書伴西室藏
愧乏風霜生齒頰
喜深泉石在膏肓
門前車馬如流水
名刺爭投到草堂

仲春七日林叔實招集湖上小菴同喻叔
虞諸君共得二字

春明湖面水烟涵
大夢山晴捲翠嵐
芒屨遠尋青草路
蒲團閒憇白雲庵
入林客聚名賢七
臨

水榭行伯雅三柳外新鶯聽漸好戴顓携具府
雙柑

送高景倩遊武夷

百萬塵勞事總拋尋山遙問洞門敲花間看籙
摩龍篆松下支筇數鶴巢苔禱冷眠青嶂杪木
梯危踏白雲梢喊山堂北旗槍綠正值清明穀
雨交

上憲伯陳公德遠

法星一道照遐荒幕府雄開鎮福唐千騎寒嘶

榕省月群鳥晴噪栢臺霜引經斷獄嚴秋憲作
賦登樓探夜炎偶狎寒鷗盟草澤自忘鳴鳳在
朝陽

昔年開社王長干鐵柱新裁豸角冠上國舊曾
傳啓事中原今正讓詞壇氣增閩海風稜肅面
帶匡廬嶽色寒永日支頤閒手板三山都向訟
堂看

贈施大將軍

鵲印新登上將臺海濱幕府倚雲開黃龍朱鷺

鏡歌曲紫電青霜武庫才功薄
賈師籌獨運癡
深三傳筆親裁
栴檀白羽花間坐
時見堂前揖
客來

二月晦日同巖叔虞張紹和郭汝承集商
孟和玄曠山房分得巖字

春草芊芊綠未芟
別開芳墅隔塵凡
小樓斜倚
將栴樹絕磴斜通欲斷巖
寒信催花三月近
夕陽流影半峰銜
携來茗椀堪供客
新啟旗槍白絹緘

三月三日同張紹和林存古集施大將軍
公署共得花字

轅門小隊散高牙退食邀懽戀物華會擬蘭亭
乘禊日酒巖金谷醉流霞營前細拂春明柳水
面晴飛上巳花莫道管絃絲竹少劉琨幕裡有
鳴笳

題林熙工蕩灣園

爲園古蕩絕誼卬小築茅堂掛一瓢長日宴閒
書幌靜六時趺坐卬香消蘋花夜雨東西港楊

柳著風宛轉橋莫是未能忘世諦又添生計在
漁樵

送施大將軍巡海之鎮東衛城

碧漢炎懸大將星樓船東去泛滄溟日搖鯨血
波濤赤風掃狼烟島嶼青部曲羽旗春汛動營
門刀斗夜寒聽瑞巖片石高無極可竝燕然早

勒銘

題喻叔虞父山書屋是許旌陽隱居處

書窓結構傍巖扃雲捲西山一片青淪茗每分

丹竈火閉門重注石函經鹿眠井上碧遺跡鶴
步松間有墜翎只恐烟霞難久卧移文爭笑草
堂靈

上甘子開叅藩

節鉞高臨耀七閩海濱何地不陽春新爲薇省
叅藩使舊是花磚視艸臣候吏抱關朝散早詞
人懷刺日過頻應知心切緇衣好時掃朱門有
逸民

使者芳名起豫章翩翩千騎領東方彩毫曾上

賢臣頌白簡猶飛御史霜官舍午陰榕葉碧訟
庭晝靜荔枝香卽今北闕須喉舌簪紱行依日
月光

郭汝承以其尊人海嶽集及碣石鼓譚見
教有作

七閩海嶽失精靈留得遺篇始殺青竹筥年深
蕃白蠹紗囊宵冷死乾螢布衣舊揖將軍幕華
袞新鐫相國銘莫道平生孤識面千秋文藻想

儀刑

卷之三
載讀當年碣石篇始知鄒衍解談天雕龍輒借
詞人筆下馬空懷處士阡父識紙從都市賞不
湏金向國門懸揚雲拓落應休嘆生得董烏已
授玄

蘇漢英以新編黃梁記詩刻端緒見貽答

謝

十載嘗聞季子名過從新訂白鷗盟殺成青竹
琅玕色演就黃梁律呂聲誦賦已驚瓌有子工
文爭說轍難兄詞壇莫道初交臂投贈綈袍似

情

芋原驛送其子開參知之京

柳花荷葉惠風初萬里王程促使車嚴助承明
元不厭漢文前席定應虛鴟冠懶叩參藩省熊
軾誰過處士廬別後山林增氣色死灰曾已借
吹噓

寄王永啓刑部

佳麗南朝好咏詩秋官新主白雲司招提四百
尋僧處歌舞三千醉客時王謝烏衣餘故壘齊

梁鷗首有殘碑風流正爾如京兆學取鐘山畫

岱黑眉

喻郡公郡齋落成招同周喬卿黃若木王
勅之鄭汝潤宴集有作

郡閣無塵結構新暫拋公事卽邀賓頻臨池上
魚忘我閒立堦前鶴近人初種名花咸雨露舊
栽古木盡陽春不須習氏園林勝已識山公醉
能真

寄陳廉州志華

虎符出守古南荒治行何如漢孟嘗海近不妨
通納款地窮無處勸耕桑蠻家銅鼓春雷響
戶珍珠夜月光腰下帶圍頭上蓋一時俱染瘴
雲黃

贈新安程爲儀

程邈曾工古篆文千年遺裔又生君斷碑刻意
摹三代奇字師心劍八分掛席遠來看海月還
家將去隱齊雲庭前鳥跡依稀見山鬼啼聲徹
夜聞

挽蔣居實孝廉

一夜霜摧玉樹枝
西河晚歲淚雙垂
杏園已絕劉蕡第
栢櫃誰傳白傅詩
草色春風生舊徑
墨痕秋雨注空池
孤墳雪後梅花落
魂斷山陽遂裏吹

題瑞巖

雲際諸峯列翠屏
振衣臺上俯滄溟
龍鱗老樹摩霄碧
螺髻浮山隔海青
惟石何年鑿佛相
幽巖從古集仙靈
到來便欲迷歸路
流水桃花洞

不腐

送惟秦重遊吳興

飄然一櫂指吳興，曲曲清歌聽采菱。
洞隱黃龍探古蹟，寺寒白雀覓殘僧。
茗花乍落眠溪雨，茗葉新抽煮礪冰。
不用爲君談勝事，此中山水舊曾登。

謝林元達見貽海南蒲席

海客編蒲織製工，故人携自粵山東。
堪依蕙帳連床碧，絕勝花裯貼地紅。
塵滿已於楊綰異，坐

分休與管寧同從今穩作羲皇夢消受南窓一
枕風

瓜山訪潘從參幽居

扁舟乘夜逐風潮渡水尋君不憚遙撒網漁人
喧浦口燒畬田父住山腰幽居隱去疑秦世古
蹟徵來是宋朝千樹梅花萬竿竹夕陽扶杖過
溪橋

古靈廟

古廟依山不記年石巖斜對廟門前瓦中碩鼠

銜香爐樹杪饑鳥啄紅錢百疊亂峰松塢雨幾
灣流水板橋烟青莎滴酒酒神靈去鐵騎無聲上
九天

過古靈陳先生故居

曾從冊府見遺書

先生文集失傳久矣
在杭近抄之秘府中

立馬西

風間故居草沒龜趺眠石闕屋頽鷓吻易門閭
英靈像設塵埃裏零落孫枝喪亂餘猶勝半山
臺榭盛廡今猿鳥哭荒墟

先生在朝與王荆公
不合累疏諫新法

觀獵山謁總管王用文先生祠

孤臣誓與國存亡，猶有荒祠寄永陽。
匣裏芙蓉秋嘯雨，樹頭杜宇夜啼霜。
古今過客尋遺墨，伏臘雲孫薦甲香。
故老尚能談往事，庭前片石獨蒼蒼。

王太史孟敬先生故居

太史遺居尚可尋，青山斜繞樹森森。
春月明華表，桐歸鶴雲鎖空堂。
咽亂禽，秋草有情生舊徑。
暮花無數點寒林，墨池筆塚俱零落。
猶見精靈夜

夜吟

重遊方廣巖

尋山踏遍萬峰尖，竹杖芒鞋草露沾。
鳥道百盤通古閣，虬枝千仞接危簷。
石巖蔽日開成屋，瀑水懸空噴作簾。
夜冷雲堂孤磬動，靜聽方枘禮華巖。

路轉天關觸石稜，懸厓高敞白雲層。
鬼工未識何年鑿，佛土應從此地興。
蒼蘚密封前代刻，碧泉寒洒半空燈。
重來却被山靈笑，廿載方知兩度登。

重岡複嶺斷還連開鑿曾聞慶曆年谷榜晴巒
斜受日巖懸全瓦不分天聽經每點空潭石洗
鉢常流別澗泉拂杖同遊舊題刻姓名半已蝕
蒼烟

花雨空中散妙香石樓鐘響扣寒霜神工斲木
留金相佛影依巖現寶光石罅泥深巢海燕峰
腰路絕避靈羊夜深借得雲房宿明月誰知定
上方

贈閩邑徐颺岐令公

政成三載報天家
堂上橫琴雁柱斜
五色雲光生印匣
九仙山翠映官衙
桑麻影密村村雨
桃李陰濃處處花
敢向都亭稱重客
願將奇字教侯芭
予兒為公門下士

哭陳伯全檢討

滄海光沉不夜珠
浮生石火但須臾
遺文在篋

孀妻拾旅櫬還家
苑友扶

王亦啓為護喪歸

若個感恩

奔白馬何年封塚
卜青烏秋風暗引
山陽笛月

冷殯宮泣聽蚌

雪峰道中次在杭韻

路廻難計遠村程一日山爲雨日行樹裏巖扉
分鳥道雲中墟落辨雞聲橋成甌影疏泉出田
作梯形賴火耕峰勢漸高衣漸冷萬松關外見
香城

遊雪峰宿馬氏太平山庄

層巒歷盡忽平田墟里雞鳴見暮烟遠寺霜鐘
千嶂月隔溪雲碓百重泉年豐愈識山居樂秋
至先輸井稅錢瓦椀蘿烟孤夢穩夜深松籟又

驚眠

雪峰寺

踏遍危巒翠靄重
寺門金榜署唐封
三冬積雪埋孤嶂
百尺春潮戰萬松
石卵爆殘成讖諱
木毬趨後露機鋒
一輪皓月方池照
影出雲端象骨峰

路入雲邊少客來
翠微深處竹房開
斷碑歲久摩無字
古鏡塵空掛有臺
鐘馮缺餘唇齒土井
因智後幕生苔佛田
一半歸豪王誰捨
藍家長

者財

枯木菴

枯木千年有故菴
美材鄰復識
梗枿盤時已得
歸根所虛處
真成入定龕
非色非空霑
雨露不生不滅
飽烟嵐
出來神物山
靈護岱頂
秦松也
自慙

宿雪峰寺晤孟山上人上人曾識先君常
過予家予方釋齒迄今三十餘載矣感
而有贈

三十年前見錫飛中間消息兩相違我猶記憶
兒童事師亦衰殘面目非半夜清霜寒佛火萬
峰明月閉禪扉義公去後宗風在弟子誰傳舊
法衣

次韻答費學卿

鷺湖山下啟林扉長日攤書對翠微萬里已知
鯤北運一封遙寄雁南飛午窓墟冷丹常伏甲
秀園深綠漸肥猶記昔年相訪處滿天風雪夜
紛霏

同在杭元達元化叔寶孟麟遊金雞山栖

雲菴

竹掩茆房翠巘西香燈清淨托禪栖孤城亂瓦
迷榕葉百畝平疇見稻畦荒塚淒涼眠石馬空
山零落絕金雞壁間試剔蒼苔看二十年前有
舊題

同在杭孟麟元化子合集普光壇

門隣闌闔久凋殘法界重興得宰官半笈白蠹
經卷亂數行青蚓篆烟寒宋朝畫佛昏塵壁蜀

國流僧呪古壇明月滿空涼似水漸移梅影上
旛竿

遊品石巖

城北青山故自佳笈經臺址久沉埋透迤徑路
之形寫鼎立巖扉品字排昔日招提空翠楚古
人名姓蝕蒼崖徘徊欲訪前朝蹟竹露松烟濕
草鞋

經玄沙廢寺

欲問前朝帝釋家村童遙指古玄沙田間掘土

銅鐘出溪口鋪橋石闕斜說法臺空秋嘯虎放生池涸夜鳴蛙半龕殘火金身剝牆角西風鼓
子花

遊昇山

雲端石磴萬峯迴松竹陰中覺路開江滙都從
閩海去山飛曾自會稽來香燈供佛銷初地丹
藥昇仙沒古臺獨有昔賢遺刻在年年秋雨長
青苔

宿昇山靈巖寺

幾竿脩竹兩三松門掩雲邊萬仞峰
霜汛乍催黃葉雨風聲先動翠微鐘
石燈照壁秋魂冷寶篆浮烟夜色濃
詩思撩人眠不穩起看山月獨扶筇

構李朱季長匆匆見訪卽別走筆送之

每慚海內識君遲忽漫相逢又別離
人是朱家多任俠遊經闡嶺輒留詩
三千客路悲萍梗十八娘紅憶荔枝
一權春風歸載酒南湖烟雨滿樓時

辛亥除夕

柴門孤掩卧空山不逐紅塵穰穰間齒過中年
消壯志貧逢殘歲得餘閒屠蘇滿注傳觴飲郡
乘重脩泚筆刪少子鳴金孫伐鼓燈前相對暫
開顏

壬子元日

椒花初頌酒初酣馬齒俄驚四十三性懶每於
生計拙年多漸與世情諳家傳周易研硃點道
聽齊諧握麈談經訓留畬端有望王讀書珍重勸

城南

尋宿猿洞觀宋賢題刻

恠石高於雉堞齊昔人曾此卜幽栖白楊滿地
鬪髀出蒼蘚上厓名姓迷夜雨徒聞山鬼哭秋
風不見野猿啼荔枝樹死洞門塞行到此中生
慘悽

元夕詞

綺陌看燈夜色清香車寶騎繞春城月華匝地
瑤笙沸火燄燒空錦幃明百尺樓前喧咲語萬

花鼓裏按歌聲行遊直待銀河落不問銅龍滴
五更

寄王相如

黃金結客散無餘俠氣翩翩總未除王氏青箱
傳舊學鄴侯錦軸富藏書九龍日主幽人社四
牡時過長者車聞說去年曾入蜀幾人詞賦似
相如

送商孟和應試留都

新柳如絲拂地齊送君遙向石城西春明草色

迷牛首秋老槐花上馬蹄二水烟波移解纜六
朝鐘磬認招提讀書借得憑虛閣古堦霜寒聽
曉雞

送沈服素簡較擢鴻臚序班

海上三年寄一官林文腰下帶圍寬屨廊夜月
經吳苑幕府春風別晉安湛露曉霜金掌濕宮
雲晴引玉聲寒天顏咫尺鷓班肅警蹕傳呼午
漏殘

送汀州區郡丞擢守滇南

新承寵命到滇中魚在腰間袋已紅峰削劍稜
過鶴慶池涵珠影出烏蒙寨帷微外馴夷俗行
部天南變土風迎得細侯驅竹馬亂山深處舞
蠻童

題喻郡公陟岵卷

銅崖高列翠芙蓉石馬嘶風立萬松霜露遠深
瞻望感雲霄新沐寵恩濃郡中剖竹今黃霸墓
上題碑古蔡邕指日漢廷書殿最絲綸光賁若
堂封

送周公子還黃州

蹇別閩山望楚天
家林遙辨竹樓烟
買魚夜過黃泥坂
騎馬秋揮碧玉鞭
省試夢吟湘女瑟
詞場賦獻大人篇
圖南好振搏風翮
莫問雲程路幾千

送張道輔同林叔寶遊嶺南

聯鑣去作粵東遊
嶺表天高瘴霧收
爲客並驅千里道
望鄉同上五層樓
行經積翠桃榔雨
醉劈輕紅荔子秋
但得歸裝如陸賈
羊城風景莫

淹留

春日同謝脁之崔徵仲周喬卿鄭孟麟集

謝在杭積芳亭賞蜀茶花得六魚

芳園群卉惠風初蜀國名花映日舒香氣凝當
重碧酒冶容開傍草玄廬何如漢苑新妝後不
比隋宮剪綵餘姒殺文君衣縞袂枉將顏色惱
相如

雨夜讀鄧汝高西樓存稿感賦

乍展遺編卽黯然雨聲和淚落燈前半生功業

三千首徃事悲歡二十年月冷西樓塵舊榻草
深東郭宿新門墨池筆塚俱零落竟斷山陽夜
笛邊

夜渡馬江曉至樂邑

海門潮落夜冥冥萬疊寒山月裏青港口團沙
疑積雪洲前殘塔見羅星波搖石馬孤帆險網
集江魚一市腥烟火千家環雉堞縣城遙望古
新寧

遊林洋古寺

故院猶存舊日名
茅茨重結兩三楹
雞碑折斷
摩無字鷓瓦頽殘
踏有聲地僻久
虛遊客到山
荒都屬老農耕
林間畧得迦陵在
飛去飛來吊
月明

宿石牌菴

路出先賢古石牌
小菴高處竹陰埋
木橫略約
通危澗草結團
瓢倚斷崖五沸瓦
鐺春後茗數
聲雲板午前齋
從來幽僻無鄰近
風掃藤花落

蒲塔

遊九峰寺

遙望危峰九點蒼
寺門名額自殘唐
莊嚴佛相新蘭若
慈惠禪師古道場
風送茗花香半嶺
霧蒸松翠染空廊
東山月曉聲聞寂
卧聽鐘魚出上方

法祖堂開七百年
古壇元不斷爐烟
金錢歲久銷初地
寶磬風高咽暮天
野衲躬耕青嶂外
遊人夢繞白雲邊
殘灰幾變空門劫
沒盡先朝供

佛田

春山集
卷之二
宿壽山寺

寶界消沈幾百春
禪燈無焰老僧貧
草侵故址拋殘礎
雨洗空山拾斷珉
龍像尚存諸佛地
雞豚偏得數家鄰
萬峰深處經行少
信宿來遊有幾人

入芙蓉洞

別是人間一洞天
不知堙塞自何年
蓬蒿滿目腰鎌斲
石竇摩肩秉炬穿
晝靜祇聞山鬼語
夜深常坐野狐禪
從來路絕無行跡
踏破蒼苔一

片瓊

尋芙蓉院故址

先朝名刹總凋零野鳥哀呼不可聽禾黍幾多
經雨綠芙蓉依舊挿天青開山緇衲誰爲嗣護
法伽藍尚有靈遺址荒蕪尋未得屢將岐路問
園丁

芙蓉山下飯畬人宅

萬峰行盡鷓鴣啼中有畬人結屋栖珍重教兒
耕白犢殷勤留客殺黃雞生從異俗聲音別住

向深山面目薰
繡竹爲門長不閉
草間烟起午
蒸藜

宿越山菴

無諸城北越山南
編竹爲門草結菴
古荔垂陰添暮色
亂松飛翠間晴嵐
僧鳴法磬譚諸品
客對禪燈卧一龕
夜午不聞蓮漏滴
半林殘月照經函

過水明樓哭幼孺

一片吟魂隔九泉
總帷燈暗影堂邊
盈盈酒淚

當靈攻事傷心在目前
穉子撮門陳雷嬰孤
兒開篋出遺編
獨餘殘夜樓西月
水色山光似
往年

登玉融新塔

聚沙伐石卓孤標
繡栱珠簾切絳霄
雉堞低環
城邑小鯨波平湧
海天遙千巖暮靄
青當面半嶺晴虹
赤在腰登陟頓忘
高不極從身身便
欲礙飛鵬

謁忠烈祠

當日勤王建隼旗一門殉節死無餘空齋落葉
飛燐火古壁秋苔暗血書夜雨忠魂悲哽咽秋
風行客吊欷歔姓名久已垂青史細讀豐碑拜
故墟

林天會新拜上饒簿遠貽俸金答贈

才脫儒衣綬便黃誰知枳棘有鸞凰治民暫試
烹鮮手寄友頗分養鶴糧五世家聲傳劍履一
時風采佐琴堂桃花滿縣開如錦舊社枌榆憶
故鄉

寄題焦弱侯太史別業

城裏青山好結廬竹風松籟響庭除南朝天子
鷄鳴埭東閣詞臣燕寢居何日白麻宣簡命千
秋金匱富藏書門前祇有僧來往靜聽殘鐘落
月初

謝公遺跡冶城邊水竹新開井徑煙爭地不同
王介甫營園還擬李青蓮梵聲縹緲喧庭際塔
影依微落檻前腰下銀魚焚莫早銷來猶足買
山錢

送張集虛之程鄉

清漳南去卽潮陽封壤出來接故鄉路入嶺東
風土異山當松口驛樓荒飽餐荔子紅雲熟夢
覺芭蕉夜雨涼少婦閨中愁遠別畫眉經歲待

張郎

送練生伏闕爲其先中丞疏請褒卹

流落中丞九代孫封章瀝血哭金門長弘誓死
存周祚稽紹全生荷晉恩六月殞霜徵孝感千
秋讀史惜忠魂青天咫尺元堪望莫道冤深尚

戴盆

碎首金川骨已塵，獨留遺裔寄南閩。
覆巢不道無完卵，徑尺誰知有逆鱗。
漢爵續封蕭相後，絲田弗及介推身。
革除事秘金滕久，冷落恩波二百春。

送甘子開擢辰州參政

使君千騎上頭嘶，節鉞分藩楚水西。
玉檢藏書探函室，丹砂鉗甲鍊辰溪。
官閒薇省門如水，仙去桃源路已迷。
長日放衙山色裏，龍標城外鷓鴣

鵠啼

五溪風土古蠻夷
落盡楊花聽子規
苑苑聲高前太史
聖朝名重老參知
建牙吹角秋行部
授簡分題夜課詩
別後使星應漸遠
相思遙望楚天涯

題趙子羽法雲寺書舍

薜蘿深翳古牆青
寂寂柴門晝亦扃
滿地白雲閒不掃
五更清磬夢還醒
竹間片月窺窓紙
松際微風語塔鈴
讀罷更尋僧對坐
半爐沈水一

函經

謝林元達惠觀音竹

亭亭翠色總禪機
水月空中照影微
不是釣竿思
衛女漫疑斑
淚哭湘妃
露珠滴後懸
瓔珞香粉消
殘卸白衣
一夕秋風林下響
洛迦山外海潮歸

寄答南海萬伯文

秣苑聞名二十霜
無因相對問行藏
書傳南海憑雙鯉
夢逐東風到五羊
緇帙靜探玄草秘
練

裙間染墨花香投來白壁溫如許海上明珠失
夜光

送曹介人遊武夷

鯉湖曾謁九仙靈更喜尋真到幔亭玉女妝成
臺上望金雞啼罷夢中聽秋高蘭漿搖孤舟夜
靜瑤壇禮七星三十六峯勤記取借君斑管勒

圖經

得麻城王元禎書并貽烏衣佳話答贈

廿年湖海與君違尺素全憑一鴈飛容止故宜

新鶴聲家聲元說舊烏衣異書鄭重緹巾襲佳
話縱橫玉塵揮夢隔洞庭波浪濶相思遙望楚
天微

寄懷安仁王孫

連天芳草綠蕭蕭楚水閩山兩地遙會入竹林
狂不減歌殘桂樹隱堪招東平舊識分藩日南
浦新聞作賦朝一自江門離別後夢魂時到豫
章橋

答贈顧彥白時下第還溫陵

豈嫌把臂識君遲籍籍香名自昔知
輔嗣外孫

工學易

彦白爲王
邊巖外孫

彦先賢婦本能詩應憐駿骨

收他日莫歎蛾眉不入時何日虹橋躡千尺期
君同看洛陽碑

月夜訪張叔弢于法海寺對酒話舊

燈前話舊見情真回首論交二十春
飲酒不曾三日醒歸田寧厭一官貧
靜中隨喜飯諸佛眼底同遊少故人
入夜鐘聲林外落坐看銀漢轉
冰輪

秋日同張叔發集彭有貽園看菊有妓
侑觴分得棋字

屋後山光碧四垂
曲房危磴步逶迤
種松盤巖如張蓋
置石參差若布棋
竟夕青尊傾北海
九秋黃菊滿東籬
一時賓主稱能賦
爭寫新詞付雪兒

溫陵顧仰新先生當嘉靖辛酉倭寇泉城
死者枕藉于道先生捐貲收骸萬有六
千人起塚而封之時有歌德篇其子彥

白索賦爲題其後

憶昔溫陵海寇侵積屍原野總如林澤枯每及
無情地掩骼常懷不報心東郭有墻高漢表北
邨無鬼哭天陰唐林義士堪相並種得冬青樹
幾尋

王永啟以秋官郎省覲過家尋轉武選賦

此送之

乍拜秋官俸未深又承新寵拂朝簪一時喜色
生毛檄七校兵威肅羽林淮水曲流牙帳下鐘

山高映戟門陰娛人燕子磯頭月郎署何妨暫
陸沉

送裴翰卿之白門

翩翩征馬紫茸鞞天際孤城望石頭六代故都
金粉夜數株殘柳白門秋雲邊鐘磬何山寺月
下笙歌幾處樓送客不能忘舊事秦淮烟水夢
中遊

羅高君見訪出示茶解兼訊屠田叔聞仲
連蔡子行李之文諸君起居喜贈

軒車迢遞到閩南乍識渾如舊友談茶品雲鱗
同陸羽夢吞文鳥比羅合中原詞賦推無兩東
越交遊問再三吾土君家饒海錯不知何地更
誰甘

讀何穉孝萬曆集

投我新編句句諳巧如春箔織冰蠶百年眼底
看無二一夜燈前讀再三自少宦情濃闕下果
然詩品壓江南集名萬曆家傳誦不比香山寄
藏函

送林熙工之雲栖訪蓮池太師兼遊秣陵
垂老名山到處登獨携瓢笠觸寒水一身隨喜
闔吳越千里皈依佛法僧天印竹林供躡屐雲
栖蓮座待傳燈禪心已定澄潭水不怕潮頭雪
浪崩

送林道燕會試

乍聞鳴鹿聽吹笙又赴公車謁帝京
暮殿早成文考賦漢庭新擢郗詵名
烟舍禁柳晴驅馬風落宮花曉囀鶯
三世銀青當代少少年無忝舊

家聲

送何舅悌春試

翩翩東海小何君，年少才名自昔聞。
本是鸞雛生鳳穴，誰云野鶴在雞群。
花驕彩筆香應散，柳映青袍色不分。
漢殿天人工射策，笈麻爭寫董生文。

寄屠田叔

久拋銅虎早懸車，聞說霜髯玉不如。
金谷洞開震爽閣，鑑湖新買水雲居。
瓦鐙煖火春烹茗，芸

館爇_示燈夜校書千里雪溪難命耀封題珍重寄
雙魚

和何穉孝看早梅堤字韻

出郭尋君信杖藜探梅消息步湖西樹頭樹底
香微度枝北枝南白未齊竟斷不愁林下笛影
踈先映水邊堤湯勞覓句耽幽賞東閣何郎有
舊題

送張叔毀還長溪

感慨因君賦式微不堪臨水送將歸南山舊宅

松筠老北嶺新霜木葉飛空學馮驩彈短鋏誰
憐張祿贈寒衣消覓法海鐘聲咽夜月無人獨
掩扉

送林邦式歸尤溪

少年曾負揆天才拭汗朱衣細剪裁人向過江
看衛玠詩從帳下學巾培曉霜夜月三山遠澗
雨溪風五兩開南浦送君春草碧幾時重泛雪
舟來

陳元朋挂冠歸見訪有贈

擢第初聞拜一官俄然拋擲進賢冠功名半枕
邯鄲夢仕路千重蜀道難解橐何人明蕙苴援
琴空自奏荷蘭不嫌陶令歸來早蓮社詩盟結
歲寒

送戴亨融侍御還朝

高卧東山歲月長鐵冠重拂謁明光江花遠映
新朱轂疏草斜封舊皂囊天柱峰高秋鶴怨霜
臺月冷夜烏翔漢家宮殿營初就彩筆縱橫賦
栢梁

壬子除夕

空囊卒歲少羸餘
筆硯爲田活計疎
春到喧闐爭爆竹
老來迂散欲成樗
祖先追遠陳遺像
子姪成名讀舊書記得衡山曾有句
人生消得幾番除

齋峰集卷之十八終